

Abonnement pour un an

250 piastres

Adresse:

Idjtihad Constantinople

Téléph: St. 865

XIX<sup>ème</sup> ANNÉE

1 Janvier.: 1924 — No 161

# اجتهاد

فلسفی ، اجتماعی ، ادبی ، اقتصادی مجموعه

ایوان: سنه لکی [ ۲۴ نسخه ]

داخل ایچون ۲، خارج ایچون

۲ بقی لیرادر.

اداره خانه

جفال اوغلنده « اجتهاد نهوی »

تلفون: استانبول ۸۶۵

اون طقوزنجی سنه

نومرو ۱۶۱-۱ کانون ثانی ۱۹۲۴

## حریت فکریه شهیدلری

۴

بر آ ز اصلی و خصوصی طرزده اولماق له برابر ، هیچ شبهه یوق ، ( روصو ) از جمله Emile یا خود Education و Contrat social آدمی اثر لریله حقوق بشرک مساواتی تحت حکمرانی به اصعاد ایتک امر عظیمه ، عالیجنابانه ، دلیرانه و بی پروا بر حصه غیرت و همتله اشتراک ایتشدره . موفقیاتنه رغما ( روصو ) کرک خصوصی و فطری طبیعتی و کرک معروض اولدینی تسلطات مکروهه سیلریله دنیانک اک بدبخت آداملرندن بری ایدی .

۱۷۶۲ تاریخده ( تمیل ) انتشا ایتدیکی وقت پارلماننو آتش و آلو پوسکوردی . کتابی و کندیسی احراق ایدیلکله تهدید اولوندی ، نهایت توقیفه قرار ویریلدی . ( اسویچره ) به فرار ایتک سایه سنده بو توقیف تشبثندن قورتولدی . ( جنوه ) ده و ( پاریس ) ده کتابلری جلاد ایلله یاقیلدی ؛ کندیسی ایچون ترقیف مذکره لری اصدار اولوندی . طرفدارانی نظریله باقیلانلری بیله تجزیه به قادر واریلدی . دیگر طرفدن کندیسنه هر دورلو محبت و حرمت ابراز ایدیلدی ده اولدی . ( فرانسه ) نک خارجنه فرارندن صوکره ، قالمش اولدینی ( Yverdon ) شهرندن . ده ، اوزمان ( پروسیا ) نک تحت حاکمیتده بولونان ( نوشاتل ) پرده نسلکنه یکمک و ( موتیه Motiers ) ده یرلشمک اوزره ، فرار ایتیه مجبور اولدی . بوراده بالذات ( موتیه ) خلقی دخی علیه قیام ایدنجیه قادر ( روصو ) نی ، یالکیز ( بیوک فره دریق ) ک ذی قدرت آلی حمایه ایده بیلدی . ( بیهن ) کولی اوزرنده کائن بر

آطیه قاچدی ؛ ( بهرن ) حکومتی اونی بورادن ده چیقارنجیه ( انکلتزه ) به کیتدی . فقط بوملکبتده اوزون مدت او طورماق اونک ایچون داهای ممکن اولمادی . افکار عمومیه نک نهایت بیوک بر قرار اتخاذا ایتش یعنی هیچ اولمازسه اوکا بر ملجاء تأمین ایتک قرارینی ویرمش اولدینی ( فرانسه ) به ، بعضی مرتبه اختلال شعور حالنده ، عودت ایتدی . کندیسنه وطندا شلق حتی بخش ایدن اراده سنی رد واعاده ایتدیکی ( جنوه ) شهر ، ( روصو ) نک پک نانکور مسقط رأسی اولان بوشهر ، شهرتکیر اولدینه قارشى اتخاذا ایتدیکی طرز حرکت ، نه دن صوکره ، آجی آجی ندامت و تأیید خاطره سی ایچون کوزل بر آیده رکیز ایتدی . بو آیده ( مون بلان ) کوپروسنه سکرز اون متره طولنده دمیر بر کوپرو ایلله مربوط و ( رون ) نه ری منصبنده کائن هژان ژاق روصو آطه سی ، دنیان کوچوک بر آطه اوزره زنده یایلمشدره . ( روصو ) نک ، دیزنده آچیق بر کتاب طوطان و طونجبدن معمول بر هیکلیدر . بو هیکلک اوکنده کچبردیکم استغراق و تفکرات ساعتلری عمرم اولدقجه اونو تمام . حیاتنده بیزار و قهر اولونماق ، اولدکدن صکره حرمت و پرستش ایدیلک . قاعده عمومیه اولاراق ، ممتاز و مجرد ذکالک طالهی ایشته بودر . [\*]

عبدالله جودت

[\*] ظلم آتشيله یا نادمه نه یلهم یارین

اشک عدالت ابراولا جاقش مزارمه ! ۱۸۹۵ ع . ج . قهریات

اغلا ر یارین مزارک اوستنده انتباه

اولسه مده شیمدی بازده سی ظلم و غفلتک .

۱۸۹۶ ع . ج . قهریات

ای داهیة سن شیمدیلک اول صابر ذلت

هیکلر دیکه چک صوکره سنک نامکملت . معلم ناجی